



Broj: 150-16-35-1358- 5 /23 MM  
Sarajevo, 02.10. 2023. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine, broj: UV-104-01-1-1425-15/21 od 29.06.2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka c) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-122-02-1-829-12/23 od 30.03.2023. godine, guverner Centralne banke Bosne i Hercegovine donosi

### ODLUKU

#### o poništenju postupka javne nabavke robe – mašina za brojanje novčanica/brojačica restlova

##### Član 1.

- (1) Ovom odlukom poništava se postupak javne nabavke robe – mašina za brojanje novčanica/brojačica restlova, procijenjene vrijednosti nabavke u iznosu od 65.764,00 KM.  
(2) Postupak iz stava (1) ovog člana se poništava jer nijedna od primljenih ponuda nije prihvatljiva.

##### Član 2.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje trezora Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

##### Član 3.

Ova Odluka će se objaviti na web stranici Centralne banke [www.cbbh.ba](http://www.cbbh.ba), u skladu sa članom 70. stav (6) Zakona o javnim nabavkama.

### O b r a z l o ž e n j e

Postupak javne nabavke robe – mašina za brojanje novčanica/brojačica restlova, putem otvorenog postupka, pokrenut je Odlukom o pokretanju postupka, broj: 150-16-35-1358-2/23 ŽB od 14.07.2023. godine. U skladu s tim, Centralna banka je 05.09.2023. godine na portalu Javnih nabavki objavila Obavještenje o nabavci broj: 1370-1-1-444-3-306/23.

U roku određenom za prijem ponuda, odnosno do 26.09.2023. godine, dostavljena je jedna ponuda ponuđača:

- Grupe ponuđača – SIT SYSTEMS d.o.o. Sarajevo i SIT SYSTEMS d.o.o. Beograd.

Komisija za predmetnu nabavku je izvršila pregled i ocjenu pristigle ponude i utvrdila da je ponuda neprihvatljiva i nepravilna iz razloga kako slijedi:

- Ponuda nije uvezana na način tražen Odjeljkom D – PODACI O PONUDI tenderske dokumentacije gdje je u tački 1. navedeno sljedeće: „Ponuda se čvrsto



uvezuje na način da se onemogući naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jemstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude.“ Ponuda nije uvezana u cjelinu na način da se onemogući vađenje ili umetanje listova. Naime, ponuđač je dostavio ponudu na način da je svaki dokument ponude odvojeno upakovao u PVC foliju, te je svaki dokument moguće fizički izvaditi, pa je moguće manipulirati stranicama ponude. Ponuđač je jemstvenikom uvezao PVC folije ali nije dokumente u folijama na način zahtjevan navedenom tačkom tenderske dokumentacije.

- Ponuda nije numerisana. Naime, Odjeljkom D – PODACI O PONUDI tenderske dokumentacije u tački 1. navedeno je sljedeće: „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno. Izuzetno, ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD.“
- Ponuđač nije dostavio spisak izvršenih ugovora na način tražen tačkom 4.2. pod a) tenderske dokumentacije koja glasi: „Spisak izvršenih ugovora koji za predmet imaju realizaciju ugovora kako je naprijed navedeno, uz obavezno dostavljanje potvrda o njihovoj realizaciji koje daje druga ugovorna strana (naručilac). Potvrde treba obavezno da sadrže sljedeće podatke:

- Naziv i sjedište ugovornih strana ili privrednih subjekata

- Predmet ugovora

- Vrijednost ugovora

- Vrijeme i mjesto izvršenja ugovora

- Navode da je ugovor uredno izvršen.“ Naime, ponuđač je u ponudi dostavio Referentnu potvrdu izdatu od strane G4S Secure Solutions d.o.o. Beograd, od 22.09.2023. godine, ali nije dostavio spisak izvršenih ugovora kako je zahtijevano tenderskom dokumentacijom.

- Ponuđač nije dostavio Izjavu traženu tačkom 4.2. pod d) tenderske dokumentacije koja glasi: „Izjava ponuđača, potpisana i ovjerena od strane ponuđača, da će tokom cijelog perioda trajanja garantnog roka, imati obezbijeđenu adekvatnu servisnu podršku od strane ovlaštenog servisera kao i raspolagati stručnim i osposobljenim radnicima za pružanje usluga servisa mašina.“
- Ponuđač nije dostavio Izjavu traženu tačkom 4.2. pod f) koja glasi: „Izjava ponuđača, potpisana i ovjerena pečatom ponuđača, da se mašina nalazi na ECB



*listi uspješno testiranih mašina odnosno da omogućava preradu novca u skladu sa standardima koje je propisala ECB a odnose se na autentičnost i minimalne standarde kvalitete sortiranja euro novčanica.“ Naime, ponuđač je u ponudi dostavio izvod iz Ispisa Evropske Centralne banke iz kojeg se vidi da se dostavljena mašina nalazi na listi ECB ali nije dostavio i Izjavu kako je traženo tenderskom dokumentacijom.*

Komisija je u svom Zapisniku o pregledu i ocjeni ponuda, broj: 149-16-35-1670-5/23 od 27.09.2023. godine i Izvještaju o radu komisije sa Preporukom broj: 149-16-35-1670-6/23 od 27.09.2023. godine dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se uložiti žalba Uredu za razmatranje žalbi putem Centralne banke Bosne i Hercegovine, u pisanoj formi, putem poštanske pošiljke, elektronske pošte/e-pošta, ili kombinacijom tih sredstava, u roku od deset dana, od dana dostavljanja ove odluke.

Dostaviti:

- guverneru,
- viceguvernerima
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju trezora
- Ponuđaču (original)
- u spis predmeta (original)
- arhiva



**GUVERNER**  
**dr. Senad Softić**